



Broj: 05-08-13 /21

Datum: 10.2.2021. godine

Na osnovu čl. 49. Pravila JU „Djeca Sarajeva“ Sarajevo i čl. 77. stav (1) Kolektivnog ugovora za djelatnost predškolskog odgoja i osnovnog odgoja i obrazovanja u KS („Službene novine KS“ br.:36/20) na molbu radnice B. S. br.:02-03-1251/20 od 9.6.2020. godine, donosim sljedeću

ODLUKU o odobravanju novčane pomoći za slučaj nastanka teške bolesti

Član 1.

Odobrava se isplata novčane pomoći za slučaj nastanka teške bolesti člana uže porodice radnice B. S. (suprug M. M.), u iznosu od 4.068,93 KM (slovima: četiri hiljade i šezdeset osam i 93/100 KM).

Član 2.

Ova Odluka stupa na snagu danom donošenja, a za njenu realizaciju zadužuje se Služba računovodstva.

OBRAZLOŽENJE

Radnica, B. S., obratila se poslodavcu JU „Djeca Sarajeva“ Sarajevo sa molbom broj 02-03-1251/20 od 9.6.2020. godine za odobravanje novčanih sredstava po osnovu nastanka teške bolesti uže člana porodice (suprug M. M.), uz koju je priložila potrebnu lječarsku dokumentaciju.

JU Zavod za zdravstvenu zaštitu zaposlenika MUP-a KS - Komisija za utvrđivanje postojanja teške bolesti ili invalidnosti, izdala je potvrdu br.:07-1-515/20 od 17.06.2020. godine kojom je ustanovila da se bolest – povreda, za koju je podnosilac zahtjeva priložila medicinsku dokumentaciju, smatra teškom u smislu odredbe čl. 3. Uredbe o naknadama koje nemaju karakter plaće („Sl. novine KS“, br.:17/19).

Razmatrajući predmetnu molbu, konstatovano je da je članom 77. Kolektivnog ugovora za djelatnost predškolskog odgoja i osnovnog odgoja i obrazovanja u KS predviđeno da „Ustanova može obezbijediti novčanu pomoć zaposleniku ili njegovoj porodici u slijedećim slučajevima:

- (1) U slučaju nastanka povrede na radu, teške invalidnosti ili teške bolesti radnika, odnosno teške invalidnosti ili teške bolesti člana njegove uže porodice iz člana 78. ovog Kolektivnog ugovora, isplaćuje se jednokratna novčana pomoć u visini njegove tri plaće isplaćene u prethodna tri mjeseca ili tri prosječne mjesečne plaće isplaćene u Federaciji Bosne i Hercegovine, ako je to za radnika povoljnije.
- (2) Radniku će se isplatiti naknada iz stava (1) ovog člana i za liječenje njegove povrede na radu, teške invalidnosti ili teške bolesti u zdravstvenoj ustanovi u BiH ili inostranstvu, bez obzira da li su privatne ili javne ustanove, u kojoj je on platio troškove tog liječenja. Troškovi liječenja isplaćuju se na osnovu fakture ili fiskalnog računa zdravstvenih ustanova u kojima je liječenje obavljeno.
- (3) Pod teškom bolešću iz st. (1) i (2) ovog člana, podrazumijevaju se bolesti navedene u Uredbi o naknadama i drugim materijalnim pravima koja nemaju karakter plaća kao i Uredbi o listi teških bolesti, odnosno teških tjelesnih povreda na osnovu kojih se ostvaruju naknade za slučaj teške invalidnosti ili teške bolesti. Pravo na jednokratnu novčanu pomoć iz stava (1) ovog člana, po osnovu teške invalidnosti ostvaruje se za utvrđen stepen invalidnosti od najmanje 60%.
- (4) Jednokratna novčana pomoć iz stava (1) ovog člana će se isplatiti i radniku, koji je operisan od bolesti koje nisu obuhvaćene odredbom stava (3) ovog člana, ukoliko je takva operacija izvršena iz zdravstvenih razloga i po preporuci ljekara neophodna radi sprečavanja teške invalidnosti ili teške bolesti.
- (5) Prioritet u odobravanju novčane pomoći iz stava (1) ovog člana, imaju radnici u odnosu na članove uže porodice. Kriteriji za dodjelu novčane pomoći iz stava (1) ovog člana koje utvrde federalni,



- odnosno kantonalni organi pojedinačno po vrsti i težini bolesti sastavni dio su ovog Kolektivnog ugovora
- (6) Naknade iz st. (1), (2) i (4) ovog člana se na osnovu iste invalidnosti ili bolesti ne isplaćuje svake godine, već jednom po jednoj dijagnozi ili utvrđenom stepenu invalidnosti, jer se radi o jednokratnoj, a ne višekratnoj ili stalnoj novčanoj naknadi za liječenje bolesti ili invalidnosti.
- (7) Naknade iz st. (1), (2) i (4) ovog člana koje se utvrde po dvije osnovu u toku jedne kalendarske godine ne isključuju jedna drugu, odnosno radniku će se isplatiti najviše dvije naknade u toku jedne kalendarske, odnosno budžetske godine.

Cijeneći okolnosti da je podnosiocu zahtjeva izdata potvrda kojom se bolest člana uže porodice (suprug M. M.) smatra teškom u smislu odredbe čl. 3. Uredbe o naknadama koje nemaju karakter plaće KS, izdatu od strane JU Zavod za zdravstvenu zaštitu zaposlenika MUP-a KS - Komisija za utvrđivanje postojanja teške bolesti ili invalidnosti, a u skladu sa članom 77. Kolektivnog ugovora za djelatnost predškolskog odgoja i osnovnog odgoja i obrazovanja u KS, isplata novčane naknade iz člana 1. ove Odluke će se izvršiti u skladu sa raspoloživim sredstvima iz budžeta za 2021. godinu na poziciji budžeta 611200 LFA 005 (naknade u slučaju smrti i teže invalidnosti).

U skladu sa gore navedenim, odlučeno je kao u dispozitivu.

POUKA O PRAVNOM LIJEKU: Protiv ove Odluke može se izjaviti žalba Upravnom odboru u roku od 30 (trideset) dana od dana prijema iste.

U prilogu:

- Zahtjev radnice B. S sa priloženom medicinskom dokumentacijom br.: 02-03-1251/20 od 9.6.2020.godine
- Potvrda JU Zavod za zdravstvenu zaštitu zaposlenika MUP-a KS - Komisija za utvrđivanje postojanja teške bolesti ili invalidnosti br.:07-1-515/20 od 17.6.2020.godine
- Platna lista za mjesec novembar i decembar 2020. godine i mjesec januar 2021. godine

Obradila:

Kovačević Ida

Dostaviti:

- Imenovanj
- Služba finansija i računovodstva
- Dosije radnika
- Evidencija i arhiva
- a/a

